

La doturia Grete Mahlknecht é demez dai 15 ai 22 d'aurí y vëgn sostituida dal dotur Eduard Agreiter 333 13 80 852.

COMUN

Chi che n'á nia bele tut pert ala cumpedada linguistica online cina de forá, pó de jö la detlaraziun sön papier pro n relevadú nominé en chisc dis te chisc posc:

a) tl comun tl salf dles riuniuns:

en jöbia, 11 d'aurí dales 14.00 - 18.00 y sabeda, 13 d'aurí dales 9.00 - 12.00

b) a Lungiarü, tl salf dla ex-posta

en mertesc, 16 d'aurí dales 14.00 - 18.00

Al vëgn recordé che duc chi che á ai 30.09.2023 la residënza tla provinzia de Balsan y la zitadinanza taliana é obliá da dé jö la detlaraziun de portegnënza a un di trèi lingac ladin, talian o todësch o de agregaziun a un de chisc lingac. La cumpedada é la fondamënta por tröc aspec liá ala convivënza y por la sconanza dles mendranzes te Südtirol. Por i mituns sot a 18 agn pó i geniturs dé jö la detlaraziun.

PLOANIES SAN MARTIN Y LUNGIARÜ

La Unité Pastoral Val Badia inviëia dötes y duc en lönesc, ai 8 d'aurí, dales 19.30, tl gran salf dl Istitut Ladin a San Martin, a na incuntada cun le secreter dl Vësko, siur Michael Horrer, spezialisé tl ciamp dla liturgia, che baiará dl valor de nosta partezipaziun ala liturgia y ince dl'importanza de nüsc sorvisc.

Invit ala oraziun sö Oies, en vëndres ai 12 d'aurí, dales 20.00.

Invit al batadú di sorvidus a Rina ai 14 d'aurí - ciarede tl'ultima plata

La Biblioteca Sas dla Crusc inviëia en dedolönesc, ai 9 d'auri, dales 15.00 tla biblioteca a San Martin a n domisdé cun stories, pastelné y jüc por mitans y mituns dla scora elementara.

Le Comun y le Consei de Formaziun San Martin mët a jí n referat por todësch "Gesundes Bauen und Wohnen" cun Florian Weger y Edmund Forer en dedemesaledema ai 10 d'aurí, dales 20.00, tl salf dl Istitut Ladin a San Martin.

La Biblioteca Sas dla Crusc inviëia a na sëra de poesies de Nicola Dal Falco y Silvia Liotto tla biblioteca a La Ila en jöbia, 11 d'aurí, dales 20.00. Duc é inviá

La Uniun di Seniors da San Martin inviëia al Batadú tla Ciasa de Palsa en dedemesaledema, ai 17 d'aurí, dales 14.00. Iscriziuns cina en dedolönesc, ai 16 d'aurí, por telefon 0474 524700. Le cost de partezipaziun é de 20 euro porom. Le batadú é davert a duc y al ves aspeta de bi pesc. Gnide tröc!

Le Museum Ladin Ciastel de Tor/Aziënda Museums Provinziai chir 1 barist/a por 25 ores al'edema; dal mertesc ala domënia, dal 02.05.2024 ai 28.11.2024, termo por les domandes 12.04.2024

Por informaziuns scriede a info@museumladin.it, tel. 0474 524 020. Menede les domandes cun curriculum vitae a info@museumladin.it o dedeles jö personalmënter tl Museum Ladin, Str. Tor 65, 39030 San Martin de Tor



unitepastoral.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net

redaziun: anton.gasser@rolmail.net - 348 27 44 517 / 0474 523 194

07.04. - 14.04.24 n. 19

ultimo termo por comunicaziuns: jöbia, dales 20.00

2^a DOMËNIA DE PASCA

Vangele do san Jan 20,19-31

La sëra dl pröm dé dl'edema, canche i discepui á dala tëma dan dai iüdes sarè pro les portes, él gnü Gejù, é jü amesa ëi ite y ti à dit: Pësc a os!

Do chëstes parores ti à mostrè sües mans y so costà. Dailó se ralegrâ i discepui da odëi le Signur. Gejù ti à ciàmò n iade dit: Pësc a os! Sciöche le Pere m'á menè mè, insciö ves mëni iö os. Do ch'al á albü dit chësc, ti à fladè ados y ti à dit: Recioiéde le Spirit Sant!

A chi che os ti lascëis do i picia, ti ési lascia do;

y a chi che os ne ti ai lascëis nia do, ne ti ési nia lascia do. Tomesc, nominé Didimus, un di dodesc, n'ê nia pro d'ëi, canche Gejù ê gnü.

I atri discepui ti à spo dit: I ùn odü le Signur.

Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà,

ne creïi nia. Otedé do y sü discepui abina

L'amur de Dî é misericordia. Ara ne se sparagna degügn vari ch'i un da jí, mo ara nes vëgn adincuntra y nes tol sciöch'i sun.

Gejù vëiga la tëma di discepui che s'á stlüt daite,

- y al vá da d'ëi, ite por portes stlütés y i ciafa.

Al ne ignorëia nia sü cörs zënza pesc,

- y al ti scinca so Spirit y süa pesc ch'ai n'ê nia bugn da ciáfè da se instësc.

Al i conëte te sües deblëzes y mancianzes y cun sües colpes,

- y al ti scinca so pordonn y i autorisëia da le dé inant.

Al azeta Tomesc cun sü dübi y süa mancianza de fede,

- y al ti vá tan daimpró ch'al é bun da creie.


Al lascia pié ite sües plaies che l'á porté ala mort y ti mostra ch'al vir.

Ël é amur y misericordia, ma insciö él bun da nes gní tan daimpró.

Te Deum



EDEMA - ann B	SAN MARTIN	LUNGIARÜ
07.04.24 2ª DOMÈNIA DE PASCA Domènia Blanca Dom. dla Misericordia	9.30 Corona por vocaziuns 10.00 Gran Mëssa por la Comunità por les families Chizzali, dl Vësko + Angelina Vantsch Baldissera, dl ann + Maria Graffonara, dl ann + Pire Ploner, dl ann + + + Rosalia. fr. Felix, fr. Martin Ploner	7.50 Corona 8.15 Gran Mëssa por la Comunità por les families de Nazio y Loise Clara por vis y def. de Berto y Lidbina Clara
08.04.24 <i>Walter, Beata</i> Lönesc <i>Anunziasiun dl Signur</i>		
09.04.24 Dedolönesc <i>Dietrich Bonhoeffer, Waltraud</i>	8.00 Mëssa + Franz Planatscher a d'intenziun	
10.04.24 Dedemesaledema <i>Engelbert, Claudio</i>		7.30 Mëssa + + Tarejia Clara y Pasquale Wieser + Vittoria Clara + Sepl Clara, Sanví
11.04.24 Jöbia <i>Gemma Galgani, Stanislau</i>		
12.04.24 Vëndres <i>Zeno, Herta</i>	18.30 Adoraziun chîta 19.00 Adoraziun deboriada	
13.04.24 Sabeda <i>Martin, Ida, Eugenia</i>	18.30 Mëssa prefestia en onú dl Spirit Sant + + Otto y Maria Erlacher + + + Giovanni, Maria y Pia Trebo vis y def. de Hilda Sottara + Hilda Prousch, dl ann, y + Marianna Prousch	
14.04.24 3ª DOMÈNIA DE PASCA Prozesciun a Porsenú de S. Vigile y S. Ciascian	<i>Festa dla Pröma Comuniun (siur Klaus)</i> 10.00 Ingres dala scora te dlijia Gran Mëssa por la Comunità	7.55 Corona 8.15 Liturgia dla Parora de Dî



Dî misericordius,
tö t'un toles sura de nos
y te nes vëgnes adincuntra te to amur,
a vignun y a vignöna de nos
tles uniuns y tles comunités dla Dlijia.
Tö nes toles nia jö i vari
y i compic ch'i un instësc da fá,
mo te nes dëides vigni de
da jí por nosc tru adincuntra a te
cun i edli oc sön Gejú
tla löm de to Spirit Sant.
I te laldun y te dijun dilan
incö y düc i dis de nosta vita.
Amen.